

خزینہ اوراق

نومبر
۴

جمعہ ايرتسی

تاریخ تاسیس
۱ مایس سنہ ۱۲۹۷

عمومی اعتباریہ فنونہ دائر رسالہ ادیبہ در

آیدہ درت کرہ اولہرق جمعہ ايرتسی کونلری چبقار

بحر احمره کوندرمش ایدی عقیبنده عربان قبیله لری دونغای
مذکوری حرق و امحا ایتدکلری خبری الندی .

کندیسنه تابع لیبیا ایالتنده بر اردوسی دهها موجود اولمیه
اورایه کیمک اوزره ایکن اردوی مذکورک دخی اوقتاوه اطاعت
ایلمدیکنی اکلا دیغندن انطوان اسکندریه عودت ایدرک بو
قدر ملاملردن انحق قیلویاترک محبتله منسلی اولوردی .
(مابعدی وار)

(افسانه)

میشه ایله ساز

اکرم بک افندی حضرتلرینکدر

سازه برکون بقارده دیرکه میشه

— : نیجه راضی اولورسکز بوایشه ؟

نه در او انجه جک الف قامت

اوضعیف ال اوساق بی قوت

ظلم طالعدن اشکا هر بار

ایته کز کر وجوهله بری وار

قونسد بر قوشجغز کلوب فرضا

سزه بر بار اولور توان فرسا

نیم بر روزکاره قارشی همان

ضم اولور قد کز مثال کمان

پنسه هر روزکاره بی پروا

قویارم قارشی کوه فانی آسا

سزه نسبت نسیم بو صرصر
 بکا صرصر دیمک نسیم صر
 یتشوب جایگاه سایه مده
 کر بولسد بدیکر جایه مده
 هر بلادن اولور دیکر مأمون
 بیلیم امانه حکمته مقرون :
 مسقط رأسکر اولور اکثر
 فورتنه اوغراغی بطق یرلر
 حاصلی یک یازق که طالع سخت
 سزی اغش بومرید بدبخت !
 دیکله یوب ساز آنی سکونته
 عرض ایدر حسن صورته :
 « بیلیرم اولدیفین شوغیرتکر
 اثر حسن خلق و سیرتکر
 مع مافیه چکمه یک هیچ غم
 قونسون خاطره غبار الم
 بن صعیقم فقط او فورتنه لر
 بکا ویرمز سزک قدرده ضرر
 میلان ایلرم شکست اولم
 بکا آسان اولور ثبات قدم
 اولدیکر کرچه سز بو آنه قدر
 صدمات ریاحه تاب آور
 یکمسه باغامز روا اولز
 سوکفی بکلسدک فنا اولز ! »

بویله دیرکن ایانسترین اوتددن
 قویدی بر صرصر قضا اوکن
 ساز اییادی اغاج عناد ایتدی
 هواده کسب اشتداد ایتدی
 اویله کیم زور صدمه سی فی الحال
 ایتدی سرکش درختی استیصال .
 (لافونق)

فضائلو احمد جدی افندی حضرتلرینک مقاله سنندن مابعد
 بلبل

ارکک بلبل دیشیسیله برابر نیسان اواخریله مایس ابتدالرنده
 آشیلدرینی انشایه باشلیوب دیشاروسنی یابراقلر وقبا اوتلرک
 چورچولری ایله اورر اییروسنی ده اوفاق ریشدرلر و بر نوع
 تیفتیک ایله دوشمر. بلبلار بووالری اییون اکثریتله صوجوارنده
 غایت انجق دالمر آره سنده کیرلی محللر انخاب ایدرلر و بعضیده
 اوت یغنی اوزرنده و نادرأ عادی رده یاپارلر بونلرک یغورطدلی
 بشتیلی اولور.

قولوچقدیه دیشیسی یاتوب یغورطه سنک اوزرندن انجق غذا
 تدارکی اییون قالقار بوده اخشاملری وقوع بولور زیرا اووقته
 قدر بالطبع آجیقش اولور بوضرعه ارکی یواسنی بکلر .
 یاوریلره کلجه ارککنک عددی اکثریا دیشینک ایکی مثلندن
 زیاده در . دیشیسی شاید طول قالورسه یعنی ارکی طوتیلور
 و یا اولورسه بشقه برارکی دها السور بوندن دخی طول
 قالدیغنی تقدیرده بربرینی متعاقب اوج و یادرت ارککه قدر
 بولله وارکایله برلشور و بوجهته قولوچقه لقلرینه خلل
 ایرات ایتدیرمیوب یاوریلرینه کوزجله و صداقتله بقار .